

28.08.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 433101/20

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 16433-1 գործը,

ՊԱՐԶԵՑԻ

«ՌՈՒՍԱԼ ԱՐՄԵՆԱԼ» ՓԲԸ-ի տնօրեն Արթուր Զաքարյանը (ՀՎՀՀ՝ 00061695, հասցե՝ ք.Երևան, Ավան թաղ. Առինջ, 1մ/2 3/9, 1) համաձայն «Հաշվապահական հաշվառման մասին» ՀՀ օրենքով սահմանված կազմով և ժամկետում չի հրապարակել 2019թ-ի տարեկան ֆինանսական հաշվետվությունը, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹² հոդվածով:

Կողմին հայտնաբերելու նպատակով ձեռնարկվել են համապատասխան միջոցներ: Ծանուցված լինելով արձանագրության կազմման, գործի քննության վայրի և ժամանակի մասին, «ՌՈՒՍԱԼ ԱՐՄԵՆԱԼ» ՓԲԸ-ի տնօրեն Արթուր Զաքարյանի կողմից լիազորված Նարինե Խաչատրյանը ներկայացրել է դիմում այն մասին, որ «ՌՈՒՍԱԼ ԱՐՄԵՆԱԼ» ՓԲԸ-ի կողմից 2019 թվականի ֆինանսական հաշվետվությունը հրապարակվել է <<Նովոյե Վրեմյա>> թերթի 30.06.2020թ-ի թիվ 30 համարում:

ՀՀ ՊԵԿ Իրավաբանական վարչության կողմից հարուցված վարչական վարույթի շրջանակներում լրիվ, օբյեկտիվ և բազմակողմանի քննություն ապահովելու նպատակով իրականացվել են համապատասխան ուսումնասիրություններ, որի արդյունքում պարզ է դարձել հետևյալը.

«Հաշվապահական հաշվառման մասին» 2019 թվականի դեկտեմբերի 4-ի ՀՕ-282-Ն օրենքի (այսուհետ՝ Օրենք) 24-րդ հոդվածի 2-րդ մասի համաձայն հաշվետու տարվա համար պարտադիր կազմվում են տարեկան ֆինանսական հաշվետվություններ:

Օրենքի 27-րդ հոդվածի համաձայն՝ բոլոր կազմակերպությունները և խմբերը, բացի փոքր կազմակերպություններից և խմբերից ու միկրոկազմակերպություններից, պարտավոր են տարեկան ֆինանսական հաշվետվությունները հրապարակել մինչև հաշվետու տարվան հաջորդող տարվա հունիսի 30-ը: Օրենքի 30-րդ հոդվածի 2-րդ մասի համաձայն՝ Օրենքն ուժի մեջ մտնելու պահից (01.01.2020թ) ուժը կորցրած է ճանաչվել «Հաշվապահական հաշվառման մասին» 2002 թվականի դեկտեմբերի 26-ի ՀՕ-515-Ն օրենքը, որով սահմանվում էր 2019 թվականի համար կազմակերպությունների կողմից ֆինանսական հաշվետվությունների հրապարակման կարգը և ժամկետները, որի առնչությամբ հարաբերությունները առաջանում են 01.01.2020 թվականից հետո:

Միաժամանակ Օրենքի եզրափակիչ դրույթներում 2019 թվականի համար ֆինանսական հաշվետվությունների ներկայացման կարգի և ժամկետների վերաբերյալ իրավակարգավորումներ նախատեսված չեն, հետևաբար 2019 թվականի համար ֆինանսական հաշվետվությունները հրապարակելու պահանջ սահմանված չէ:

Ելնելով վերոգրյալից և նկատի ունենալով, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Արթուր Զաքարյանի նկատմամբ իրականացվող վարչական վարույթը կարգադրվում է կարգադրվել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Վ.ՄՆԱՑԱԿԱՆՅԱՆ